

DISPUTATIO IURIDICA,

De

IURISPRUDENTIAE NATURA,
PRINCIPIIS AC CON-
STITUTIONE.

Ad tit. 1. G. 1. lib. 1. Inst. Imp.

QVAM

Faucte diuini numinis gratia

SUB PRAESIDIO

Clarissimi & consultissimi viri,

DN. IOHANNIS WISSELI, I. V. D.

& in inclyta Iulia Professoris publici, ac pro-
uincialis ducum Brunouicensium dicasterij professoris,
Præceptoris sui plurimum honorandi,

-Publicè

pro virili defendet

IOHANNES Schwarzkopff Bocknemensis.

Addiẽm Oqobr.

In anno Tulcõ maiori

HELMÆSTADT,

Typis heredum IACOBI LVCI,

—
—
—
cło lxx. XIX



Amplissimo, Clarissimo ac consultissimo viro,
 DN. VVILHELMO BOKELIO,
 I. V. D. Ilmo ac Potentmo Brunouicensi-
 um Duci à consilijs intimis

NEC NON

*Amplissimo, prudentiâ variarumq; rerum
 experienciâ grauissimo viro,*

DN. PHILIPPO Knochenhauer /
 ejusdem Illmi Ducis archimandritæ quon-
 dam in arce Goldenberg fide-
 lissimo.

*Dnn. patronis ac euergetis sum-
 mopere suspiciendis.*

Exercitium hoc academicum
 cum deuota sui commendatione
inscribis & offert

Iohannes Schwarzkoff Bochnemensis
 Aut. & Respondens.

1571



71

De natura, principijs, ac constitutio-
ne Iurisprudentiæ.

THESIS I.

OMnium rerum communione, pri-
mævis mundi temporibus, cunctis iurgijs &
litibus facile præripiebatur occasio, vbi ve-
ro subsequente ætate pro labore desidia,
pro continentia & æquitate libido atq; su-
perbia, (verba sunt Salustij) inuasere, tum demum regna
condi, dominia distingui, agris termini poni, ædificia collo-
cari, commerciaq; introduci, ceperunt.

II. Quæ omnia, etiam si ab initio se satis rectè habebant,
utpote, cum, teste Iustino, reges spectata tantum inter bo-
nos moderatio ad tantum fastigium euehebat, quorumq;
arbitria populo pro legibus erant, attamen cum & illi, affe-
ctibus nimium indulgentes, optimorum principum nomi-
ne, ea sæpe perpetrabant, quæ tyrannici imperij argumen-
tum haud obscurum præbere poterant; huic rei aliud reme-
dium adhiberi non posse videbatur, quam si certa quædam
ipsis præscriberetur regula ac norma, secundum quam regi-
men suum dirigerent.

III. Leges dico, quæ non modo civibus *παραπολιτικοὶ τῶν
πρωτοῦν, ἀπαγορευτικοὶ δὲ ἔστιν πείνητων, l. 2. de Ll.*, sed etiam sub-
ditorum tam vitam quam bona contra tyrannorum libidi-
nes & impetum muniunt. Quæ cum pro actionum huma-
narum (circa quas versantur) varietate & mutatione omnia
comprehendere non poterant, ideoq; extensionem & re-

strictionem, id est, interpretationem interdum desiderarent, necessaria fuit aliqua disciplina, quæ habitum illum interpretandi leges traderet. Atq; hæc nobis est Iurisprudencia.

IV. De huius naturæ, constitutione, ac principijs breuiter impræsentiarum agere animus. Quod vt recte expediamus, rem alius ab ipsis naturæ principijs ordiri placet.

V. Eam itaq; non *substantijs*, sed *accidentibus*, atq; ex ijs quidem *qualitatibus* annumerandam, nemo est qui neget, cum quod enti in actu existenti superueniat, cum quod eâ præditi, singularem qualitatis denominationem participant. Ex qualitatibus autem speciebus nulla alia hanc sibi vendicat, quam ea, quæ crebris in homine comparatur actionibus, quam *habitus* vocare solent; cumq; non corpus, neq; in animo appetitum perficiat, facile liquet, neq; corporis, neq; moralibus habitibus eam annumerandam.

VI. Ex *intellectualibus* porro nec *speculatiuis* admitti posse, in proclini esse arbitramur, quicquid etiam de *scientia* reclamet Petrus Gilkenius. *Præctici* g. habitus, ad quos referenda est hæc nostra disciplina, in duplici sunt differentia, aut enim vel *praxin* seu *actionem*, aut *effectum* sive *effectiōnem* sibi propositam habent; prior *prudencia*, quæ cum recta ratione agit; posterior *ars*, quæ cum recta ratione efficit; dicitur.

VII. *Effectiōnem* Iurisprudencia sibi propositam non habet, cum opus externum post se non relinquat, neq; (quæ artirectè attribuntur) mutet, addat, adimatur materia, in qua versatur; sed *actionem*, quia in operatione Iuri, honesti & inhonesti discrimen & vis elucet. Relinquitur ergo *prudencia* disciplinæ huic competere, cum intellectum actuum perficiat; ideoq; perperam *arsem* ei pro genere legitimo obtrudi, nisi forte improprie illud fiat, vt in l. 1. *pr. de iust.*

de iure.

Prudentia Celsio id fit, in ea videlicet significatione, quā ipse Philosophus artes liberales dixit: *Prudentia* portio; aut ea quæ privato tantum homini bona malaque, vitia vel inutiles hunc, demonstrat, diciturque; *absoluta*, vel, si maius, *privata*; aut amplius etiam in societatibus spectatur; & ad alios plures refertur, quæ hinc *politikē* id est relata, etiam *communis* seu publica appellari consuevit. Societas autem illa, cuius bono inseruit communis illa prudentia, aut est paucorum in familijs, quam informans dicitur *oikonomikē*; aut est multorum in ciuitatibus & Repub. cuius causa familiæ constituta sunt; hanc instruens, *civilis* prudentia nuncupatur.

IX. Posterior hæc vel vniuersalem Reip. curam gerit, legibus illi prospiciendo, & vocatur *νομοθετικη* seu *legislatoria*: vel in particularium rerum administratione occupata est, atque tum vel futurorum, utpote de ijs deliberando, quæ *βουλευτικη* seu senatoria dicitur: vel præteritorum eas videlicet iudicando, quid in ijs iustum vel iniustum sit, & appellatur *iudicialis* seu *δικαστικη*, atque ad hanc posteriorem disciplinam nostram referendam esse nemo non videt.

X. Valde igitur errant illi, qui eam cum *legislatoria* confundunt: licet enim *ICtus* etiam vniuersæ Reip. salutem sibi pro fine æquæ ac legislator propositam habeat, id tamen fit secundariò, principaliter enim circa actiones particulares versatur. Argumentum huius rei satis firmum suppeditat nobis & illud, quod legislator rationem omnium legum veram & immediatam nouit; *ICtus* autem probabilem saltem & coniecturis verisimilibus constantem, unde & illud est, quod l. 20. & 21. de *LI.* habetur, omnium rationem à *ICto* reddi non posse. Hinc non ineleganter quidam *legislatorem* scientificum & intelligentem, *ICtum* autem *πρακτικόν* seu peritum artificem vocant. *Thom. 2. princ. iuris c. 4.*

XI. *10* Elegans quoq; hac de re habetur locus apud Platonem *6. de Ll.* vbi inter legislatorem & Ictum comparationem instituit; his verbis: Si quis pulcherrimum animal pingere voluerit, quod non ad pejus, sed ad melius futuro semper tempore progrediatur, nonne vides, cum pictor mortalis sit, nisi aliquem artis successorem reliquerit, qui, si quid vel tempore ex animali abolitum fuerit, instaurare, vel per imbecillitatem artis ab artifice prætermisum, adijcere possit, atq; ita fulgentius indies animal reddere, laboriosum istud animal pauco tempore duraturum? An non par legislatoris voluntas tibi hæc esse videtur; Principio quidem, vt leges sibi sufficienter & exquisitè pro viribus conscribantur, deinde procedente tempore & periculo rerum facto putanè sic amentem legislatorem aliquem esse, vt ignoret, necessarium esse, talia multa sibi relinqui, quæ emendatione successoris alicujus indigeant, ne peior quidem, sed melior Resp. euadat.

De differentia specificæ.

XII. Inuento genere attendendum erit ad differentiam specificam, quæ à Celfo *in d. l. s.* notatur vocibus *boni & æqui*, quæ conjunctim hic sumitæ; vt & sumi debet; nihil aliud notant, quàm ipsam *emendationem*, seu humaniorem juris interpretationem & moderationem. Plenior est definitio Ulpiani *in l. 10. ff. hic.* vbi subiectum affert, dum eam *diuinarum atq; humanarum rerum notitiam* vocat, id est, versari eam circa omnia negotia hominum, siue illa sint de rebus diuinis siue humanis, quatenus nim, in illis, quid iustum, quid iniustum sit, quæritur. Exempla de rebus diuinis extant *§. s. & §. q. inf. de rer. diuis.*

De methodo in Iuris prudentia obseruanda.

XIII. Pater ex his, quæ dicta sunt, Iurisprudentiam non esse disciplinam contemplatiuam, sed practicam, ideoq; methodo non syntheticâ, vt speculatiuarum propriâ; sed analyticiâ eam tradendam esse. Practicæ enim disciplinæ, quia

quia finem habent in agere, finis autem est actionis principium; extraque deliberationem positus, ideo a fine progrediuntur ad media, per quæ obtineri finis, subjectoque introduci possit.

XIV. Tria ergo in Iurisprudentiæ nostræ methodicâ constitutione obseruanda erunt: *Finis, subiectum & media*. De quibus paucis dispiciendum. Finis Iurisprudentiæ est ipsa iustitia, seu potius exercere iustitiam vel suum cuique tribuere. Est autem Iustitia duplex: *uniuersalis* quæ comitatur actus omnium virtutum, ideoque omnes eas in se continere dicitur: *Particularis*, quæ est virtus, quâ suum cuique tribuimus, seu de externis bonis aut malis, non magis aut minus nobis tribuimus, quam jure nobis debetur.

De Fine
ria.

XV. Quænam autem ex his Iurisprudentiæ pro fine assignari possit, non est ita expeditum. Ad leges humanas earumque interpretationem quod attinet, negari non potest, cum finis legislatoris sit perfectio totius ciuitatis, hæc autem citra cumulum omnium virtutum, id est, vniuersali hac iustitia consistere non possit, consequens erit, ut quousque se extendit munus leges constituentis, eousque etiam pertineat munus easdem interpretantis.

XVI. Si autem de legibus nostris Romanis in libris juris nostri comprehensis quærat, vix est, ut diffiteri possimus, istas solam particularem iustitiam pro fine sibi propositam habere; quæ enim ad reliquas virtutes spectant, aut nulla aut admodum pauca in ijs reperiuntur. Velle id ipsum videtur etiam ipsa iustitiæ definitio, *pr. l. 1. & l. 10. ff. eod.* quâ definitur constans & perpetua voluntas suum cuique tribuendi, quod solius particularis iustitiæ est proprium.

XVII. Dicitur constans & perpetua, (ut hoc hic annotemus) Ad perfectionem enim cuiuscunque virtutis tria necessariò requiruntur, 1. Præcognitio actionis, ut videlicet

delicet is, qui agit, sciens agit. 2. Libera voluntatis electio seu *προαίρεσις*. 3. Ut *βεβαιώς* ac *ἀποτακτικώς*, firmiter ac constanter animo agit. Ut ideo valde ridiculi sint illi, qui hic Iustitiam non humanam sed diuinam definiri arbitrantur, propterea quod talis in hominem non cadat. Quod cum dicunt, non vident illo ipso se adseuerare, nullam in hominem cadere virtutem moralem. Neq; etiam hic in abstracto sed concreto eam definiri arbitramur.

Iustitia commutativa.

XII. Facile hinc liquet, cum illa, quam diximus, sit Iurisprudentiæ finis, cur tria hic §. 3. & ab *Vlp. in l. 1. de i. ff. hic* numerentur juris præcepta. Versatur enim illa iustitia vel circa *contractus*, quatenus videlicet illos ita dirigit, ut absq; vlllo personarum respectu, secundum proportionem arithmetica rei tantum qualitatem intueatur. Huc spectat secundum præceptum: *alterum non ledere*, ut nimirum in contractibus æqualitas obseruetur.

Distributiva.

XIII. Vel in distribuendis præmijs aut poenis occupata est, ne in æqualibus æqualia, aut æqualibus in æqualia tribuantur, quæ in re proportionem geometricam obseruat, unde exoritur tertium præceptum *suum videlicet cuiq; tribuere*, quod arctius hic accipitur quam in definitione iustitiæ, ut recte monet *Myns. ad §. 3. l. 1. n. 5. in fin.* Duorum horum præceptorum fundamentum est prius: *Honeste vivere*, eaq; ratione pertinet huc, ut quid iuste fiat.

De subiecto iuris.

XX. Et hæc de fine juris hætenus. Subiectum, in quod finem introducere satagit Ictus, supra nominatum est, diuina videlicet & humana res, seu finitæ, actiones hominum ciuiles. Illud saltem hic adijciendum, in omni subiecto vniuscuiusq; disciplinæ duo esse: rem consideratam seu Materiale; & modum considerandi seu formale. Res cõsiderata potest esse communis pluribus disciplinis, sicuti

metaphysicæ & Logicæ est Ens, neq; his tantum, sed & omnibus realibus disciplinis, si non vniuersaliter, tamen particulariter: modus v. considerandi, illud ad vnâ certamq; disciplinam adstringit.

XXI. Modus ideoq; considerandi additur à Icto in l. 10. b. illis verbis: *Iusti atq; iniusti scientia*. Eatenus enim Ictus circa illas res tantum est occupatus, quatenus in ijs iustum vel iniustum cerni potest. Latius Icti subiectum suum non introspiciunt, cum tali tantum ejus cognitione contenti viuunt, quali ad introducendum finem opus est.

XXII. Media porro, quibus iste finis obtinetur, De medijs. duo sese offerunt, *cognitio eius quod cuiusq; est; & eiusdem obtinendi ratio*. Quod fortè indicare voluerunt Azo & Bart. In procem. Inst. dum dicunt; Ictum versari circa duo vitia: *errorem & contumaciam*: errorem tollit, dum docet, quid cuiusq; sit: contumaciam, dum monstrat legitima media, actiones videlicet, quæ etiam inuitos cogere possunt, vt id, quod nostrum est, nobis restituant.

XXIII. Prius medium explicando, docet, quid 1. medium. cuiusque sit, tum ratione *personarum*, tum ratione *rerum*. Debetur autem personis ratione status ipsarum, qui triplex: *Libertatis, ciuitatis, & familie*. Res nostræ sunt duplici ratione: 1. Ratione *iuris* quod habemus in ijs, quod appellatur *dominium*, cuius varios acquirendi modos ostendit. 2. Ratione *iuris* quod habemus *ad eas*, vt in *obligationibus*, quarum varias species edocet.

XXIV. Quod si vnum horum adsit, tum demum 2. Medium. subministrat alterum medium: *Cogniti nostri obtinendi*

rationem, actiones nimirum? Non enim sufficit nosse, hoc vel illud ab alio nobis deberi, nisi quoq; sciamus: quâ viâ, quâq; legitimâ ac accommodatâ actione illud consequi possimus, cum non tantum, ille speculâ frustretur, qui illud, quod petit, jure ad se pertinere probare non potest, sed etiam ille, qui id, quod sibi debetur, aliâ, quam debebat, actione prosequitur.

XXV. Atq; idem voluit Ictus in l. 1. de stat. hom. dum ait: omne jus vel ad personas pertinere, vel ad res, vel ad actiones, vt latè diducit Christoph. Ehem. de princ. iur. lib. 4. c. 6.

De principiis juris. XXVI. Inuestigatâ hoc pacto naturâ & ordine hujus disciplinæ, consequens erit, vestigia Imp. sequendo, fontes ex quibus Iurisprudentia media ac præcepta sua hausit, atq; in Rempub. Romanam introduxit, accuratius inuestigare. Quod commodius fieri haud posse videtur, quam si Philosophum hac in parte imitemur. Ita enim & felicius procedere, meliusq; mentem Imperatoris nostri percipere poterimus.

XXVII. Is itaq; s. Erb. c. 7. jus facit duplex: aliud *natura*, aliud *legitimum*. *Natura* vocat illud, quod ubiq; eandem vim habet. Cic. 3. de Rep. dicit illud diffusum in omnes constantes, & sempiternum, à quo homines neq; per senatum neq; per populum possunt liberari. Sicuti autem hi illud ab effectu, ita Imp. noster illud ab efficiente ita definit: *quod natura omnes docuit*. Per naturam autem nemo nisi ipse naturæ creator hic intelligitur, quod & Cic. 3. de Ll. testatur, vnus, inquit, est communis quasi magister & imperator omnium Deus, ille est legis hujus inuentor, disceptator, lator.

XXVIII. Atque hinc est, quod dicatur nullis mutationibus
ratio-

tationibus obnoxium. Vbi tamen diligenter notandum; in vniuerso genere consideratum, non mutari, sed tantum in quibusdam casibus singularibus & circumstantijs E.g. filios debere obœdire parentibus, naturæ est præscriptum, quod tamen in eo casu, si pater jubeat filium abnegare veritatem, prodere patriam &c. procedere, nemo est, qui dicere auit. Deinde si fortè concurrat alia lex naturalis superior, illa alteram vt inferiorem cessare jubet. E.g. nemo debet locupletari cum alterius damno: vincitur ab hac: Societas humana est tuenda. Cujus exemplum manifestum vsucapio nobis exhibet.

XXIX. Natura autem in homine dupliciter consideratur, 1. Vt ei inest, quatenus est *animal*. 2. Quatenus ei vt *homini* inest. Quod prioris instinctu facit, Icti vocant *ius naturale*, quod natura omnia animalia docuit, non quod etiam in bestias cadat jus, sed quia instinctus illi naturales, qui principia hujus juris dicuntur, etiam in bestiis reperiantur, & quæ bestiae faciunt ista naturali incitatione, ea si homines ex vi illâ innatâ cum ratione faciant, jure naturali faciant, & sint juris naturalis.

Ius naturale.

XXX. Liquet inde, cum subiectum nostrum sint actiones ciuiles; eas actiones naturales; quæ nobis cum brutis sunt communes, vt: dormire, edere, bibere &c. non posse ideo dici juris naturalis, vt pote quæ naturæ necessitate homini obueniunt, non vero jure & ratione, & vt illa iusta ac iniusta appellari possint. Vt ideo nihil obstat argumentum Vultreij *h. n. 3.*

XXXI. Altero modo considerata natura, producit *ius gentium*, quod consequitur propriam inclina-

Ius gentium.

Primæuū.

tionem naturæ humanæ, in quantum sc. homo est animal rationale. Principia porro hujus juris, aut cum homine statim nascuntur, & sine vlla antecedente institutione intelliguntur, & vocantur *ius gentium primæuum* quo pertinet religio erga Deum, obœdientia patriæ & parentibus debita, l. 2. ff. de l. & l.

Secundarium,

XX XII. Aut exigentibus tandem humanis necessitatibus per discursum ex primis illis deducta sunt, & dicuntur *ius gentium secundarium*, quod genus humanum, necessitate ita et flagitante, societatis suæ tuendæ gratia, per ratiocinationem, etiam quandoque contra primæuam rationem constituit. Vnde ortæ dominiorum distinctiones, bella, captiuitates, seruitutes, manumissiones.

XX XIII. Quod autem de seruitute diximus, hoc intellectum volumus de tali, quæ quis contra naturam dominio alterius (interdum etiam vilioris ac sordidioris) subijcitur, §. 2. Inst. de iur. pers. l. 5. de stat. hom. non autem de illa, quando videlicet natura generauit hominem adeo rationis impotentem, vt sibi ipsi de vitæ prospicere non possit, quæ non ex iure gentium, vt prior, sed naturæ, originem habet, de quâ Aristoteles *in polit. c. 1. & 3.* Videatur Clariss. Dn. Arniseus, *in polit. prior. edit. lib. 1. c. 4. & de Repub. c. 3. sect. 3. per tot.* vbi hanc rem plenissimè explicat.

Ius ciuile.

XX XIV. Pergamus jam ad alterum membrum diuisionis Aristotelicæ, quod ille *ius legitimum* vocat, nostris est *ius ciuile*, & definitur, quod quisq; populus sibi ipsi, propriæ utilitatis causa constituit. Aristoteles d. loc. illud vocat, quod ab initio, vtrum hoc vel alio modo fiat, nihil refert, vbi verò fuerit constitutum, tum demum refert.

XXXV. Oñitur hoc, secundum I. Cerni in l. 6. b. 1.
ex iure naturæ per modum determinationis, id est,
quemadmodum in scientijs ex principijs notioribus,
deducuntur conclusiones cuius non ita obuiæ: ita in
hac nostra practica disciplina, ex principijs naturæ no-
tis (de quibus antea dictum) deducuntur quædam ve-
lut conclusiones à legiflatore, quæ nobis sunt jura le-
gitima & ciuilia.

XXXVI. Atq; hinc est, quod sit mutabile. Cum
enim ius naturæ præcipuè spectet honestatem, hoc au-
tem præter honestatem etiam æstimetur ex vtilitate
eorum quibus præscribitur, ideoq; pro ratione tempo-
rum, personarum, locorum, aliarumq; circumstantia-
rum, vtilitatem aut impedièntium aut promouentium,
mutatur. Exemplo esse possunt diuersæ Reip. for-
mæ, quibus secundum Aristot. 4. pol. 1. leges & jura sunt
accommodanda. Exdemenim non prosunt leges a-
ristocratix, quæ fortassis democratix vel monar-
chiæ.

XXXVII. Ex his itaq; fontibus limpidissimis
promanant non tantum *ius priuatum*, quod ad singulo-
rum vtilitatem principaliter spectat, sed etiam *publicum*,
quod ad statum rei Romanæ pertinet, & in sacris, sacer-
dotibus & magistratibus consistere dicitur, §. 4. b. 1.
Pule. ibid. n. 2. Gædd. ad l. 6. n. 11. de V. S.

XXXIX. Deriuatum autem est ex illis fontibus *Diuisio iu-
ris in scrip-
tum & non
scriptum.*
consensu eorum, qui ejus rei habebant potestatem. De-
claratus vero iste consensus est vel *suffragio seu expressâ
sanctione*, vel *tacitâ conuiuentia*, seu *rebus & factis ipsis*.

XXXIX. Cum autem illud, quod expresso con-
sensu constituitur, antiquitus rescribi diceretur, ideo

ius scriptum vocari cepit, illiq; oppositum *ius non scriptum*. Vt valde hic errent illi, qui ad essentiam legis scripturam requirunt. Distinguenda enim hic sunt omninò ipsa promulgatio, & modus promulgandi, qui vt olim varius erat, ita & nunc, siue fiat per scripturam, per vocem præconis, sacerdotis &c. qui modi omnes ad ius scriptum se habent, tanquam causa sine qua non, adeoq; de ipsius essentia planè non sunt.

X L. Accedit & hoc, quod tanquam acci-
dens abesse possit à subiecto, præter ipsius corruptio-
nem. Lacedæmoniorum enim iura, non ideo desine-
bant esse ius scriptum, quod scripturâ non essent
comprehensa, §. 10. b. nec consuetudines feudales ideo
factæ sunt ius scriptum, quod iam scriptæ circumferan-
tur.

Species ju-
ris scrip-
ti.

X L I. Scriptum illud ius aut liberrimum consensus fe-
rit, vt sunt: Lex, plebiscitum, aut necessitas constituit, vt
sunt: SCtum, Rescriptum principis, magistratuum e-
dicta, & responsa prudentum. §. 3. h. t. l. 40. ff. de Legib.

Lex.

X L II. *Legis* vocabulum tripliciter sumitur, 1.
pro omni iure scripto vel non scripto, l. 1. & 2. de Ll. 2.
pro iuris scripti speciebus omnib⁹, quo sensu multa ple-
biscita vocantur leges, vt lex Aquilia, lex Falcidia. 3. Pro
specie iuris scripti, quam populus senatorio magistra-
tu interrogante constituebat, quæ acceptio hujus est
loci, §. 4. h. t.

X L III. Interrogationem istam præcedebat pro-
mulgatio, quæ fiebat, cum scripta per trinundinum pro-
rostris exhibebatur, vt cuius copia inspiciendi, spaci-
umq; deliberandi esset. Elapso trinundino populus
conuocabatur, interrogabatur, formulâ vtp plurimum
hæc, *Velitis iubeatis Quirites &c.* atq; tum collectis suf-
fragiis

fragilis pro illorum numero, aut antiquabatur, ut illi vocabant, aut confirmabatur, de quibus latè vide *Rossin. c. 2. antiq. Rom. Barnab. Briffon. de form. lib. 2.*

Plebiscitū

XLIV. Seccessiones plebis à patribus causam dederunt *Plebiscitis*. Cum enim plebs, 1. ob iniuriam fœneratorum, *A. V. 260. vide histor. juris Fœrst. lib. 1. c. 19. & seq. 2. ob crudele Appij Claudij Xuirii factum A. V. 305. Fœrst. d. 11. c. 23.* à patribus secessisset, nec prius captis armis libertatem rueri destitisset, quam à Coss. L. Valerio & M. Horatio lex lata esset, ut quod plebs tributum iussisset, populum teneret *Liu. lib. 3. Fœrst. d. c. 23. n. 9.* quæ postea in tertia secessione à M. Hortensio Dictatore repetita & confirmata est. *Gell. lib. 15. c. 27.* plebiscita per legem illam Horatiam seu Hortensiam non minus quam leges valere ceperunt.

XLV. Postea cum totus populus præ multitudi-
ne ad ferendas leges faciliè conuenire non posset, necessitas ipsa curam Reip. ad senatum deduxit, itaq; euenit, ut quod senatus statuisset, legis haberet vigorem, idq; appellatur *Senatusconsultum*, *Conn. 1. comm. 12. Coras. ad l. 2. de O. I.*

Senatus
consultum

XLVI. Cum tandem per partes euenisset, ut necessitas Reip. vnus tantum imperium efflagitare videretur, lege Regiâ populus principi omnem potestatem, etiam in ipsum populum, dedit, ut quod ipsi placeret, legis haberet vigorem, *§. 6. h. l. 2. §. 11. de O. I. l. 1. de const. princ.* si modo animo condendæ legis, *nov. Leon. 62.* nec diuino, vel naturali juri repugnet,

Rescripta
principū

XLVII. Patet hinc, quibus legibus princeps solutus dicatur; ijs enim, quæ ipse mutare non potest, procul dubio subiectus erit, cæteris vero minimè, sed in totum solutus est, *l. 31. ff. de Lt.* Remiserunt tamen
pro

pro pietate sua ob publicam honestatem aliquid de jure suo, & istis, quibus exempti erant, legibus, sponte sua se submiserunt, *l. digna vox, C. de Legib. §. fin. Inst. quib. mod. rest. inf.* Vide elegantissimè de hac controuersia differentem *Clariss. Arnis. de iure maiest. lib. 1. c. 3. n. 6. & seqq.*

Prætorum
edicta.

XLIX: Res ipsa quoq; voluit, vt magistratus iura reddentes, ad hoc vt scirent ciues, quod jus, de qua re, quisq; dicturus esset, edicta proponerent, quæ edicta *ius honorarium* constituerunt, *§. 7. b. 1. l. 2. §. 10. de Orig. iur.* Erant autem edicta non tantum desumpta ex jure civili, sed illud ipsum interdum per talia edicta adiuuabatur, supplebatur, corrigebatur, *l. 7. §. 1. de Inst. & iure*, quod cum videret populus in publicam vergere vtilitatem, probabat tacito consensu, cum alias potuisset cogere prætores, ex jure civili scripto jus dicere.

Respon-
sa
prudentū.

XLIX: Quia etiam constare non potest jus, nisi sit aliquis jurisperitus, per quem quotidie in melius producat, *l. 2. §. 13. de O. I.* ideo semper inuenti sunt, qui hac in parte Reip. operam navarent. Et liberâ quidem adhuc Rep. Romanâ, interpretationes hæc Iurum pars fuerunt juris non scripti, *d. l. 2. §. 5. de O. I.* occupata autem Rep. cum necessum esset respondendi facultatem à principe impetrare, juris scripti speciem constituere ceperunt, *§. 8. b. 1.*

Ius non
scriptum.

L. Pergamus ad *ius non scriptum*, quod tacito populi consensu introducitur, & vocatur consuetudo. Nomen consuetudinis trifariam accipitur. 1. pro assuefactione hominis, *l. 50. §. fin. de legat. 1.* 2. pro factio plurium personarum, & tunc vocatur vsus seu mos. 3. pro jure quod resultat ex tali vsu, quæ acceptio hujus est loci.

LI. Sicut autem jus scriptum vnicum tantum habet substan-

substantiale, consensum nimirum expressum, ita etiam consuetudinem consensus tacitus, tanquam vnicum substantiale, constituit.

LII. Cæterum de requisitis illis, quas vulgò Dd. quatuor faciunt 1. Rationabilitatem. 2. Actuum frequentiam. 3. Tacitum populi consensum. 4. Legitimam præscriptionem: breuiter etiam videndum. Primum quod attinet, illud non solum est consuetudinis, sed vniuersi iuris, adeoq; perperam ei, quâ tali, attribuitur. Actuum frequentia, temporisq; diuturnitas ad probandam solum consuetudinem necessaria sunt.

LIII. Vim & effectum legis habet consuetudo, §. 9. h. l. 32. pr. de Ll. cum & legem interpretari, l. 37. 38. de Ll. eamq; abrogare possit, l. 11. h. l. 32. §. 1. eod. si modo sit iusta, nec pugnet cum ratione, l. 2. C. quæ sit long. cons. licet etiam irrationabilis consuetudinis non sit vilis autoritas in excusationibus à pœnis; exemplum est in nou. 139. & nou. 154. ubi vide. Rittersh. in nou. p. 4. c. 2. num. 38.

LIV. Statuta quia legibus annumerantur, ideo etiam De statu: de his coronidis loco paucis agere placet. Sunt igitur statu-^{tiis.} ~~ta ius quoddam, certa civitati vel municipio, vel certe commu-~~
~~nioni aut vniuersitati in vim legis constitutum.~~ Cuius iuris intro-
ducendi necessitatem inde manasse videmus, quod cum ni-
hil locorum circumstantijs sit inæqualius, ius commune vbi-
que seruari non possit.

LV. Condit autem statuta quilibet magistratus muni-
cipalis, tot. 1. ff. & C. de decur. 1. ff. de decret. ab ord. fac. hodie
quilibet magistratus in suo territorio, arg. l. 1. quod quisq; iu-
ris in al. Atque id sine consensu superioris, si statuens sit imme-
diatè Imp. subiectus, & iura territorij habeat. Quæ si de-
sunt, cum approbatione superioris fieri debent: sine hac enim
nihil possunt, VVesembec. par. de Ll. num. 3. etiam si su-

terioris interesse non subsit (vt voluisse videtur *Trentl. p. 1. d. 1. rh. ult. lit. B.*) quodque vsui ita seruari, testantur *Vves. d. l. Schneid. ad §. constar. n. 14, l. de I. N. G. & C.*

LVI. Collegiatamen & communiones ratione suæ professionis aut negotiationis, quoad ea, quæ illuc pertinent, etiam sine consensu superioris rectè statuunt, *l. fin. C. de iurisd.* atq; secundum ea apud tribunos suæ professionis, (cui iurisdictionem in se concedere possunt, *d. l. fin.*) etiam ab alio, rectè conueniuntur, *d. l. fin. ibid. Sichard. C. de iurisdic.* Hodierna vero consuetudine receptum, daß die Innungen und Zünfften von der Obrigkeit confirmirt werden.

LVII. Illud non parum controuertitur, an pœnam statutis suis adijcere possint? Quod utiq; affirmandum videtur, quia iurisdictione carentes, eo ipso quo potestatem aliquam statuendi habent, simul & id habent, vt in pœnam certam compromittere possint, non quidem verè talem, sed vt quamuis pœnam conventionalem aliam, *vt in §. ult. l. l. 38. §. 15. l. 44. §. 5. l. 68. l. 85. §. pen. l. 88. §. pen. l. 105. l. 134. & passim ff. de verb. oblig.* Quo pertinent & leges earumq; pœnæ, quas in Academicis priuatorum exercitiorum promouendorum causa discentes sibiipsis constituunt;

LII X. *Res & negotia*, de quibus statuta feruntur, varia sunt. Atq; in ijs quidem, de quibus iure diuino, naturali vel gentium cautum est, idem potest statutum, quod lex. Legem quoq; ciuilem in totum tollere potest, *Dd. in rubr. de decr. ab ord. fac.* nisi lex prohibeat, se à contraria vel consuetudine vel statuto tolli, *vt in auth. nauigia. C. de furtis. vide Gail. 1. obs. 18.*

LIX. Debent autem istæ res, de quibus statuta feruntur, omnino tales esse, vt ad statuentes pertineant. Cui consequens est, statuta ad res extra territorium eius sitas non extendi, in his enim nulla est ei attributa facultas, ideoq; nullius firmitatis est. *c. 10. de const.*

LX. Sic statutum quod disponit, ut coniux succedat coniugi exclusis consanguineis, in bonis extra territorium sitis non valet, sed ad ea secundum commune ius admittuntur proximi cognati, *Gail. 2. obs. 124.*


LXI. *Forma* pro varietate, constituentium varia est. *Magistratus* enim suo sensu statuit. *l. 7. C. de Ll. Populus* vero fert statutum per ordinem seu consilium, quod populi vicem representat, *l. 2. ff. de decret. ab ord. fac. cui conuocato*, noua lex proponitur, quam expresso consensu confirmare debet, *l. 2. C. de decurion. vide Clariss. Dn. Præcept. Stuck. ad l. 9. de I. & I.*

LXII. Habent & hanc formam cum omni iure communem, ut sint rationi consentanea, nec contineant captiosa, iniqua, & contra bonos mores, *l. 4. ff. de decret. ab ord. faciend. Sich. ad l. vn. C. de monopol. num. 8.* Hinc collegiorum mechanicorum statuta non valent, quæ volunt, ut quod vnus inceperit, alter non perficiat, *d. l. vn. C. de monopol. Treutl. d. disp. 1. th. ult. lit. A.*

LXIII. *Effectus* statutorum est, ut liget ciues loci, sicuti alias lex vniuersos, vnde & legibus annumeratur, *cap. 1. 2. de constit. in 6.* Exteros autem non obligat, nisi ratione rerum, delicti, *l. 9. de extraord. crim. contractus l. 6. de euiction.* Qui autem in loco statuti contrahit, vel quasi, ille tam quoad contractum, quam eius solennitates à statuto requisitas obligatur. Sic qui in loco quodam testatur, vbi statutum in testamento singulares solennitates requirit, illas obseruare tenetur, & tunc testamentum vbiuis locorum valet, *Gail. 2. obs. 123. num. 3. Mysing. cent. 5. obs. 20. num. 4.* Personæ tamen non subditas, alias ad actum aliquem inhabiles, habiles reddere non potest, proindeq; filius familias forensis, vigore statuti, testari in eius loco potest. *Gail. d. obs. 124. num. 15. & 16.*

LXIV. *Tempus* quo incipiunt ligare, etiamsi in constitutionibus sint duo menses post insinuationem, *non. 66.* statuta tamen ligant scientes statim, *l. fin. ff. de decret. ab ord. ignorantes* quoque statim, si de eorum commodo agatur, si autem de incommodo, iudicis arbitrio committitur, an supina possit dici subesse ignorantia, *d. l. fin. & c. 2. de const. in 6.*

LKV. *De interpretatione statutorum* hoc notandum, eorum verba propriè & strictè esse accipienda, si derogent iuri communi. *Gail. d. obs. 124. num. 7.* Alias enim eadem est ratio interpretandorum statutorum, quæ aliarum legum, ut etiam quam amplissimè, si æquitas admittat, explicentur. *Trenst. p. 1. disp. 1. th. ult. lit. E.*



COROLLARIA.

- I. *Filius familias sumptus à patre studiorum gratia subministratos, conferre non tenetur.*
- II. *Naturalis & civilis ratio consensum patris in nuptias filij substantialiter requirit. Hunc etiam de iure canonico non tantum honestatis, sed necessitatis causa adhiberi debere statuimus.*
- III. *Legitimati per subsequens matrimonium, de stricto iure feudali in feudis non succedunt.*
- IV. *Constitutio de pace religionis, & per eam impetrata securitas, non est sublata per concilium Tridentinum, sed in pristino adhuc subsistit vigore.*
- V. *De Purgatio sagarum per aquam frigidam minimè ad torquem sufficit.*

F I N I S.

